

皇朝文鑑

一



皇朝文鑑

四部叢刊初編集部

上海商務印書館縮
印常熟瞿氏藏宋本

皇朝文鑑序

中奉大夫試禮部尚書兼翰林學士兼侍讀
兼太子詹事兼脩國史管城縣開國子食邑
五百戶賜紫金魚袋臣周必大奉

聖旨撰

臣聞文之盛衰主乎氣辭之工拙存乎理昔者
帝王之世人所養而教無異習故其氣之盛
也如水載物小大無不浮其理之明也如燭照
物幽隱無不通國家一有殊功異德卓絕之跡
則公卿大夫下至於士民皆能正列其義被飾
而彰大之載於書詠於詩略可考已後世家異
政人殊俗剛大之不充而委靡之習勝道德之
不明而非僻之說入作之弗振也索之易窮也
譬之鹽舟於陸終日馳驅無以致遠博土為像
丹青其外而中奚取焉此豈獨學者之罪哉上
之教化容有未至焉爾時不否則不秦道不晦
則不顯天啓
藝祖生知文武取五代破破之天下而混一之
崇雅黜浮汲汲乎以垂世立教為事
列聖相承治出於一揆毫者知尊周孔游談者

羞稱楊墨是以二百年間英豪踴武其大者固
已羽翼六經藻飾治具而小者猶足以吟詠情
性自名一家蓋建隆雍熙之間其文偉咸平景
德之際其文博天聖明道之辭古熙寧元祐之
辭遠雖體制互興源流間出而氣全理正其歸
則同嗟乎此非唐之文也非漢之文也實
我宋之文也不其盛哉

皇帝陛下天縱將聖如夫子

煥乎文章如帝堯

萬幾餘暇猶玩意於衆作謂篇帙繁夥難於編
覽思擇有補治道者表而出之乃

詔著作郎呂祖謙發三館四庫之所藏東縉紳
故家之所錄斷自

中興以前彙次來上古賦詩騷則欲主文而論
諫典冊詔誥則欲溫厚而有體奏疏表章取其
諒直而忠愛者箴銘贊頌取其精懇而詳明者
以至碑記論序書啓雜著大率事辭稱者為先
事勝辭則次之文質備者為先質勝文則次之
復謂律賦經義

國家取士之源亦加采掇略存

一代之制定爲一百五十卷規模先後多本
聖心承

詔於淳熙四年之仲冬奏

御於六年之正月

賜名曰

皇朝文鑑而

命臣爲之序臣待罪翰墨才識驚下固無以推

原作者闡繹

隆指抑書竊讀大雅之詩而知

祖

宗所以化成天下者矣械樓官人也早麓受祖也辭雖不同而俱以遐不作人爲言蓋魚躍于淵氣使之也追琢其章理貫之也况夫雲漢昭于上豈弟施於下濟濟多士其有不觀感而化者乎是則

祖

宗啓之

陛下繼焉樂文王之壽考申太王季之福祿人才將至於不可勝用豈止乎能文而已臣雖不肖尚當執筆以頌作成之效云謹序

太史成公編皇朝文

鑑始末



淳熙丁酉

孝宗因觀文海下臨安

府今委教官校正畢

刊行其年冬十一月

翰林學士周公必大夜

直奏事語次及之因

奏曰此書乃近時江佃

類編殊無倫理書坊刊

行可身今降

旨校正刻板事體則

重怨難傳後莫若委館閣別加詮次以成一代之書

上大以為然一日參知政事王公准李公孝穎奏事

上顧兩參道周公前語俾舉其人李公首以著作佐郎鄭鑑為對

上默然顧王公曰如何准對以臣愚見非祕書郎呂祖謙不可

上以首肯之曰卿可即

宣諭朕意且令專取有

益治道者王公退如

上旨召太史宣諭太史

承命不辭即開祕書

集庫所藏及因昔所

記憶訪求於外所得文

集凡八百家搜檢編集

手不停披至次年十月

書乃克成未及上而屬

疾

上聞之一日因王公奏事

問曰聞呂某得末疾朕固憂其太肥向令其編文海今已成否王公對曰呂某雖病此書編類極精繕寫將畢方欲繳進適值有疾故未果

上甚喜曰朕欲見諸臣奏議庶有益於治道卿可諭令進來王公即使其從具宣

聖諭久之乃以其書繳申三省投進書既奏御

上復諭輔臣曰朕嘗觀其奏議甚有益治道當與恩數又聞其因此成病朕當從內府厚錫之已而降旨呂某編類文海採摭精詳與除直祕閣又宣賜銀絹三百疋兩中書舍人陳駿再上繳章

上皆留中不行駿尋罷去既而賜名皇朝文鑑且令周公必大為之序下國子監板行有媚者竊奏云

文鑑所取之詩多言田里疾苦之事是乃借舊作以刺今又所載章疏皆指

祖宗過舉尤非所宜於是

上亦以為鄒浩諫立劉后疏

語訐別命他官有所修定

而鈐板之議遂寢

太史之取鄒公諫疏

非他皆鄒公抗疏之後即遭遷貶其後還朝

徽宗勞苦之且問諫事何在鄒公笑於徽宗同

輩曰禍在此矣既而國論復變蔡京令人偽撰

鄒公諫事言既鄒臣加以狂訐廢播中外流聞

禁中徽宗果怒降詔有姦人造言之語鄒公

連再貶太史得其初疏故特載之

自太史以病歸里深知前日

紛紛之由遂絕口不道文鑑

事門人亦不敢請故其去取

之意世罕知者周益公既被

旨作序序成書來以封示

太史太史一讀命子弟藏

之蓋其編次之曲折益公

亦未必知也今間得於傳

聞以為太史嘗去國初文人

尚少故所取稍寬

仁廟以後文士輩出故所

取稍嚴如歐陽公司馬公蘇

內翰黃門諸公之文俱自成

一家以文傳世今姑擇其尤

者以備篇帙或其人有聞於時
而其文不為後進所誦習
如李公擇孫革老李泰伯
之類亦搜求其文以存其
姓氏使不湮沒或其嘗仕
于朝不為清議所予而其
文自亦有可觀如呂惠卿
之類亦取其不悖於理者
而不以人廢言又嘗謂
本朝文士比之唐人正少韓
退之杜子美如柳子厚李
太白則可與追遜者如周

美成汴都賦亦未能侈
國家之盛止是別無作者
不得已而取之若斷自渡
江以前蓋以其年之已遠議
論之已定而無去取之嫌也
其大略若此太史既病南
軒以書與晦翁以為編次
文鑑無補治道何益後
學者而晦翁晚歲嘗語
學者以為此書編次篇
篇有意每卷卷首必取
一大文字作壓卷如賦

訂焉從子香年謹書

則取五鳳樓賦之類其所載奏議皆係一代政治之大節

祖宗二百年規模與後來

中變之意思盡在其間讀

者着眼便見蓋非經濟錄

之比也

經濟錄趙公丞相編次進丞相增文鑑所取之略故漢編次此書

豈南軒未見其成書而

朱公則嘗深觀之耶臨

江劉公清之又以為此即

刪詩定書官使衆材之

意蓋亦善觀此書者故

備列之以俟知者相與審

皇朝文鑑一書諸康永
見有刊行善本惟建寧
書坊有之而文字多脫
誤開卷不快人意新安號
出帝墨乃無佳書因為
參校訂正鋟板于郡齋
嘉泰甲子重陽日郡守
梁谿沈有開

文以鑑名非為標題設也以
銅為鑑則可以別妍醜以古
為鑑則可以審興衰以人為
鑑則可以正得失至於以文
為鑑則又不可以別妍醜審
興衰正得失盡之也新安郡

齋舊有文鑑木本余每惜其
既略謬誤莫研精華如涉蓬
山而阻弱水隔雲霧而索豹
章輒嘆曰斯文之墜越漢歷
唐至我

皇宋始還三代之舊今抵牾
訛舛若此學者何賴焉郡博
袁君嘗加訂證登嘉定辛巳
冬余領郡事一日吏部喻君
貽書以東萊呂文公家本
來寄余喜而不寐亟併取袁
君所校以相參攷易其謬誤
補其脫畧凡三萬字命工悉
取舊板及漫裂者刊而新之

遂為全書使學者覽表疏而
思都俞吁咈之美觀制冊而
得盤詰稽命之意閱賦詠而
追國風雅頌之音續渾金璞
玉之體免覆瓿鏤冰之譏藻
飾皇猷黼黻治具俾斯
文之作厯千萬人如出一手
越千百載如在一目則文鑑
之名為無負文鑑之利為甚
博矣嘉定十五禩壬午夏五
月上澣郡守開封趙彥追跋

前輩之文粹然出正蓋
累朝涵養之澤而師友淵
源之所漸也此書會粹略
盡真足以鳴

國家之盛惜夫鈹木之始一
付之刀筆吏欠補亡刊誤之
功後雖更定訛缺猶未能
免思歆就正有道恨
呂成公之不可作也近於東
萊家塾得證誤續本命
郡錄事劉君崇鄉參以
他集而訂正之凡刪改之字

又三千有奇與刊缺不可讀
者百餘校併新之其用心勤
矣其有補於此書多矣既
迄後將如京曰語之曰夫校
讎工夫如拂几上塵旋拂旋
生去後尋繹當更有得
錄以見寄抑以觀子日進之
學端平初元清明郡守
四明劉炳書于黃山堂

皇朝文鑑

朝奉郎行秘書省著作佐郎兼國史院
編修官兼禮部郎官呂祖謙奉
聖旨銓次劄子

先於淳熙四年十一月內承尚書省劄子勅會已
降指揮令臨安府校正開雕

聖宋文海十一月九日三省同奉

聖旨委呂祖謙專一精加校證祖謙竊見文海元
係書坊一時刊行去取未精名賢高文大冊尚多
遺落遂具劄子乞一就增損仍斷自中興以前銓
次庶幾可以行遠十一月五日三省同奉

聖旨依祖謙尋將秘書省集庫所藏

本朝諸家文集及於士大夫家宛轉假借旁采傳
記它書雖不知名氏擇其文可錄者用文選古詩
十九首例並行編纂凡本門爲百五十卷目錄四
卷祖謙竊自伏念

本朝文字之盛衆作相望誠宜采摭菁華仰副
聖意而祖謙學問荒涼知識卑陋不足以知前輩
文字之工拙竊勉承命今已經年簡牘浩繁取會

緣戾加以繕寫纔畢偶嬰末疾尚恐疎略抵牾未
敢遽以投進今月二十四日偶蒙具宣

聖諭緣祖謀已除外任俯詢所編次第自懼稽緩
不勝震懼所有編次到

聖宋文海一部共一百五十四冊并臨安府元牒
到御前降下

聖宋文海舊本一部計二十冊並用黃羅夾複封
作七複欲望特與敷奏繳進祖謀不勝皇懼俟罪
之至

朝奉郎行秘書省著作佐郎兼國史院

編修官兼權禮部郎官呂祖謙奉

聖旨所編文鑑精當

謝 賜銀絹除直秘閣表

右臣今月四日承中使李裕文宣諭

聖旨所編文鑑精當賜銀絹三百疋兩者奏編無
取錫命有加既叨中秘清切之隆復拜內府便蕃
之賜人微恩厚感極涕零此蓋伏遇

皇帝陛下聖學高明聖猷淵懿然衆作思操擬
以無遺最爾小臣懼討論之不稱已逃罪戾仍被
眷私抱慙懷銘局副右文之意賜金增秩使斯種

古之榮目無任感天荷聖激切屏營之至謹錄奏
聞謹奏

此書是嘉泰初年所編也其時本在太史院後因
編修官兼權禮部郎官呂祖謙奉
聖旨所編文鑑精當

新雕皇朝文鑑總目

賦



一卷

二卷

三卷

四卷

五卷

六卷

七卷

八卷

九卷

十卷

律賦

十一卷

律賦
卷一
卷二
卷三
卷四
卷五
卷六
卷七
卷八
卷九
卷十
卷十一

四言古詩

樂府歌行

十二卷

十三卷

十四卷

五言古詩

十五卷

十六卷

十七卷

十八卷

十九卷

二十卷

七言古詩

三十卷

二十一卷

五言律詩

二十二卷

二十三卷

七言律詩

二十四卷

二十五卷

五言絕句

二十六卷

七言絕句

二十七卷

二十八卷

雜體

二十九卷

騷

三十卷

詔

三十一卷

勅赦文冊

三十二卷

御劄批答

三十三卷

制

三十四卷

三十五卷

三十六卷

誥

三十七卷

三十八卷

三十九卷

四十卷

奏疏

四十一卷

四十二卷

四十三卷

四十四卷

四十五卷

四十六卷

四十七卷

四十八卷

四十九卷

五十卷

五十一卷

五十二卷

五十三卷

五十四卷

五十五卷

五十六卷

五十七卷

五十八卷

五十九卷

六十卷

六十一卷

六十二卷

表

六十三卷

六十四卷

六十五卷

六十六卷

六十七卷

六十八卷

六十九卷

七十卷

七十一卷

牋箴

七十二卷

銘

七十三卷

頌

七十四卷

贊

七十五卷

碑文記

七十六卷

七十八卷

八十卷

八十二卷

八十四卷

七十七卷

七十九卷

八十一卷

八十三卷

序

八十五卷

八十八卷

九十一卷

八十六卷

八十九卷

九十二卷

八十七卷

九十卷

論

九十三卷

九十六卷

九十四卷

九十七卷

九十五卷

九十八卷

九十九卷

論義

一百一卷

策

一百二卷

一百三卷

一百四卷

議

一百五卷

一百六卷

說

一百七卷

說戒

一百八卷

制策

一百九卷

一百一十卷